

# КИРОВЕЦ

ВКП(б)-лэн Тыловай Райкомезлэн но Райисполком-лэн органзы

29 августэ 1939 аре | № 76 | 5-тй арзэ потэ

## Колхозник'ёслэсь с'ездзэс достойно пумитано

Партилен но правительстволэн постановленизы туэ сизыль колхозник'ёслэн с'ездзы люкамын луоз. Со с'езд сельскохозяйственной артельлэн уставаз тупатон'ёс сярись вопро-сэз эскероз.

Сельскохозяйственной артельлэн та дыре действоваць карись примерной уставез колхозник'ёслэн-ударник'ёслэн кыктэти Всесоюзной с'ездзыныз принять каремын но 1935 арын 17 апреле СССР-лэн Народной Комиссар'ёсызлэн Советэнызы но ВКП(б)-лэн Центральной Комитетэныз юнматэмын.

Колхозной строительствын со дыр куспын выль бадзымесь азинскон'ёс бастэмын. Гуртын колхозной строй быдэсак юнмаз. Колхозной гуртысь миллионэн трудящойёс асьсэлэн опытыстызы адизы артельной, общественной хозяйстволэсь единоличное сярись кужмолыкэс.

Итинской сельсоветысь „Красная нива“ колхозысь колхозник'ёс единолично улыкузы начар улылызы, тросэзлэн хозяйствослэн нянызы выльызы вуытозы өз омылы. Сюлэгесь, уродэсь муз'ем'ёс вылын нянь өз удалтылы. Нош колхоз кылдэм дырысен татын улон ялан зажиточнойгес но культурнойгес луэ. Колхозник'ёс шумпотыса ужало социалистической бусыосын, арысь аре возматэ выль азинскон'ёссыс. Ваньзэ агротехнической мероприятия ортчят'яса, колхоз ялан выль зеч урожай бастэ. Та колхоз Всесоюзной Сельскохозяйственной Выставкалэн участникеныз луэ.

Асьме районьсь трос луэ вераны сиче колхоз'ёсты, куд'ёсыз колхоз'ёс кылдэм дырысен тодмантэм воштыськызы, куд'ёсыз

арысь аре будо но юнмало.

Колхозник'ёс но колхозницаос, МТС-ёслэн но совхоз'ёслэн рабочийёсы, сельской хозяйстволэн специалист'ёсыз Всесоюзной Сельскохозяйственной Выставка азелы бадзым воодушевляниен дасяськызы.

Мукет район'ёсын сямен ик асьме районьсь колхоз'ёсын но ю-нянь люкаськоз тросгес, куд-ог интыын кык поллэсь но трос—кылем арын сярись. Азымынйсь колхоз'ёс узыр уржаез окто-калто образцово.

Итинской сельсоветысь „Красная нива“, „Колосс“, „Яг“, „Республика“ но мукет'ёсыз колхоз'ёс зег аранзэс вакчи дыр куспын быдэстизы, татын мукет уж'ёсын но образцово ужало. Колхозник'ёс асьсэлэн азинскон'ёссылы шумпото. Эшино но умой, эшино но трос азинскон'ёсы мыно.

Нош вератэк кельтыны уг луы, что асьме районьсь государстволы ю-нянь сдать карон, етин тышкан но августовской етин вёлдон чидантэм ляб мынэ. Районысь советской но земельной орган'ёс соин ляб кивалто. Соос вунэтизы, что колхозник'ёслэн паськытэсь массаоссылэсь жутсконзэс возглавить кароно, Сталинской урожай понна социалистической соревнованиез подлинной всенародное кароно—тини али кыче луэ котькуд колхозной партийной, комсомольской организациослэн, районысь котькуд советской но земельной орган'ёслэн задаказы.

Соку колхозной крестьянство вылесь азинскон'ёсты бастоз но аслаз с'ездаз лыктоз куиньметя пятилетней планлэсь величественной заланиоссэ быдэстон понна нюр'яськынын вылесь вормон'ёс бастыса.

## СССР но Германия куспын торгово-кредитной соглашение гожтэмын

19 августэ кема чоже переговоры кыстыськем бере, Берлинын гожтэмын СССР но Германия куспын торгово-кредитной соглашение. СССР ласянь соглашениез подписать кариз торговля замесителез Е. Барабин, нош Германия ласянь—Г. Шнурре.

Торгово-кредитной соглашения Германия СССР-лы 200 миллион германской

маркаен 7 арлы срокем кредит сэтэ, та соглашениез гожтэм нуналысен кутскыса со кредитлы 2 ар куспын германской вуз'ёсты бастыны вылысь.

Соглашениен озы ик тупатэмын СССР ласянь Германиялы со срок куспын ик—2 ар куспын 180 миллион германской маркалы вуз пуктыны.

## Милемлы ивортэ

Уйвай сельсоветысь „Кр. путь“ колхоз луд ужын чидантэм урод ужа. Колхозлэн правлениез ужез организовать өз кары. Тани счетоводэз вералом: со лумбыт-лумбыт канцелярияз гинэ пукыса улэ. Канцелярияз но ужез умой пуктымтэ, учетэз өвёл. Чукна уже 10 частэк уг поты. Солэн кышноез гуртаз пукке, уже уг ветлы. Учет өвёлэн кин кёня ужа уг тодо, стахановец'ёс өвёл. Чидантэм сиче факт, что колхозник'ёс уг тодо кыче ужын кёня норма установить каремын. Тини озы уж пуктэм бере-а колхозын уж мыноз организовано?

ПОЗДЕЕВ.

## Кутсаськонэн аранэн бадзым разрыв

Али колхоз'ёс ужало ю октон-калтонэз жог но но-кыче ыштон'ёстэк быдэстон вылысь. Сое быдэстэмен лыд'яны уг луы араса быдэстыса гинэ, юз кутсано, тóлоно, утылтоно.

Нош Зюзинской сельсоветысь „Борец“ колхозын та озы өвёл. Татын кутсаськонэн аранэн куспын бадзым разрыв. Кутсаськон чидантэм ляб мынэ. Ляб мынэ соин, что ужаны пото бер, нуназе кема кутсаськытэк уло, жытазе вазь берто. Ложкина Елизавета Васильевна нош агитировать каре малы кема ужало шуыса. Ачиз но умой-умой уг ужа. Солэн мужикез но колхозын уг ужа, уралэ кошкыса аслаз корманаз ужа. „Борец“ колхозын пудозы но умой-умой уг возмаськы, соос колхозлэн ю вылаз уло.

Колхозлэн правлениезлы октон калтонэз аранэн гинэ өвёл валано, кутсаськон борды но зол кырмыськоно.

КОЛХОЗНИК.

## Етин тышканэз но вёлдонэз бере кельтоно өвёл

Тросэзлэн колхоз'ёслэн председателёссы етин бордын ужез второстепенной ужен лыд'яло. Соос өз на валалэ етинлэсь ценностьсэ.

Тани „1 май“ колхоз, председателез Гумеников, етин тышканы өз кутскына. Тыловай МТС-лэсь етин кутсан машиназэ витыса улэ, нош МТС-лэн етин кутсан машинаез тйаськемын, куинь нунал тупатыны выризы но берлань гараже нуизы. „Эдди“ етин кутсан машинаос колхозын лэсьтымтэ, малпало валеке'ёсын тышканы. Нош валеке'ёсын етин тышканы правительствоем лэсьтымтэ. Соин тышкам етинлэн качествоз 2-3 номерлы синэ, етин йылыз тйаське, пильлыське, кидысэ урод луэ, вёлдэм бере чош уг вуы—йылыз сисьме, дйныз уг вуы.

Вань етин вёлдон август толзэе быдэстэмын луыны кулэ. Етинэз вёлдоно чылкыт интыосы, кузьзэ кузен,

Н. А. Щорс железнодорожной слесарьлэн пиез. Вордскиз со 1895 аре. Империалистической война дыр'я улэз прапорщикен. Великой Октябрьской Социалистической революция бере Щорс бертэз большевик луыса гуртаз, Сновск городэ раненной но туберкулезэн висыса.

Немецкой империалист'ёс Украинаез бастыны кутскыса, Щорс отрядэныз первойен мынэ Советской Украинаез возманы.

Гужем 1918 аре Щорс Унеча станция Богунской полк сформировать кариз. 1918 аре декабре со луиз дивизиялэн командирез. 1919 аре 9 феврале белополяк'ёсты но петлюровец'ёсты Щорс пазыгиз но бастэтиз Киевез. Щорслэн дивизиез контрреволюционер'ёслэсь но интервенг'ёслэсь войскаоссэс громить карылыз.

30 августэ 1919 аре Коростеня дорын Щорслэн дивизиез Красной Армиялэн мукет частьёсызлэсь отрезать каремын вал, но озы но солэн дивизиез зол жу гиз белополяк'ёсты но петлюровец'ёсты. Петлюровец'ёс Богунской полкез палляпал флангысен котыртыны кутско вал. Но Щорс мужественно султэз ачиз азыпал линии, боец'ёсыныз ар-

## Етинэз вёлдоно дыраз

В. Четкерской сельсоветысь „Красный путиловец“ колхозын туэ етин 26 га вылын киземын вал. Колхозысь етин бордын ужась звено та етинэз ваньзэ ишкыса но тышкаса быдэстиз ни. Галичанина А. Ф. звеньеводкалэн звеноез синмаськымон ужа. Етин тышкамын „ЭДДИ“ машинаен. Верано луэ, что етин вёлдон ляб мынэ, етин вёлдэмын 3 га вылэ гинэ. ГАЛИЧАНИН.

## Щорс

тэ выдыса, жог валаз кыты сен сётоно контрудар. Азыпалаз солэн пулеметэз азыло ик шуметиз. „Зол жуге“, — вераз Щорс, со бере бинокльзэ жутиз но учкыны кутскиз. Ожыт улыса со йырыныз каллен муз'еме мыкырскиз. Щорс виемын.

Озы быриз Украинаез калыклэн героез Щорс, „Украинской Чапаев“ — кызы сое нимаз Сталин эш.



Гражданской войналэн героезлы, асьме родинамылэн патриотэзлы Щорслы (30 августэ 1939 аре) кулэмезлы 20 ар тырме.

СНИМОКЫН: Н. А. Щорс.

## Колхоз бусыын стахановец'ёс но ударник'ёс

Уйвай сельсоветысь „Поляна“ колхозысь культу керттылын норма 300 культу. Сунцова Анна Павловна 660 культу тырмыт'я, Евдокимова Елизавета 640 культу но Григорьева Мария 500 культу.

Комсорг Емельянов. Колхозлэн председателез Григорьев.

Суруновской сельсоветысь „Общий труд“ колхозын культу керттылонын Широбокова Анна Кондратиевна нормазэ перевыполнять карыса ужа. Со нормазэ 180 процентлы быдэс'я. Талэсь бере ик уг кылэ Чунарева Клавдия Егоровна но Чунарева Анна, таос нормазэс быдэн 160 процентлы быдэс'яло.

Ваньмызлы таослэсь пример бастыса, озы ик нормаоссэс перевыполнять карыса ужано.

## Васильевлэн синмаськымон примерез

Уйвай сельсоветысь „Ворошилово“ колхозысь Васильев Филипп Григорьевич государстволы вань тырон'ёссэ тырмытиз. Заемлы со гожкиз 50 манетлы, тыремын полностью. Озы ик 1939 арлы сельхоз налогэ, страховоез, вй, ыжгон, сйль тыронэз полностью тырмытэмын. Та че синмаськымон пример луыны кулэ ваньмызлы колхозник'ёслы, колхозницаослы. ПОЗДЕЕВ

Заготлен КОЖЕВНИКОВ.

# ВЫЛЬ ДЫШЕТСКОН АР

Виль дышетскон ар вуиз. Кбня ке нунал ортчыса, школьник'ёслэн трос ляд'ем армизы выльысь партаос събры пуксёзы, виль кужымен дышетскон борды кутскозы. Та армиез районыстымы школаослы, дышетисьёслы умой дасясыкыса пумитано.

Советской учительство выполнять каре бадзым но ответственной задачеэ— пинал'ёсты коммунистически воспитать каронез, кудиз возложит каремын Ленинлэн—Сталинлэн партиеныз но советской правительствон.

Советской школаос пинал'ёслы товарищеской спайка сёто. Дышето пинал'ёсты возманы социалистической собственности, прививать каро дисциплина. Школаос дышето пинал'ёсты яратыны асьме родинамес, асьме калыкез, асьме партиез но правительствонез. Прививать каро соослы Ленинлэн—Сталинлэн ужзылы беззаветной преданность.

Дышетонез нормально нуыны понна, дышетонлэсь зечлыкэсэ жутон понна учебник'ёс но мукет'ёсыз учебной пособиос бадзым инты басьто. Дышетсконлэн нырысетий нунал'ёсаз ик котькудизлэн дышеткисьлэн мед луоз кулэ учебник'ёсыз, нош дышетисьёс обеспечит каремын луыны кулэ вань учебной материал'ёсын, методической пособиосын.

Жаляса верано луэ, та ласянь быдэс'ятэк кельтэм уж'ёсмы трос на. Учебник'ёсты дышеткисьёслы дырыз дыр'я вуттон понна нюр'яскон РОНО ласянь но райпотребсоюз ласянь чидантэм ляб мынэ.

Учебник'ёс сяна школаослы трос кулэ луозы тетрадьёс, гож'яскон мел, чернильницаос но мукет'ёсыз дышетскон котыр'ёс.

Со понна ик та кылем нунал'ёсты полностью использовать кароно соли, чтобы виль дышетскон арлэсь тырмытэоссэ быдттоно. Дышеткись пинал'ёсты школае образцово дасясыкыса пумитано нэ бадзым сюлмаськонэн дышетыны кутсконо, чтобы дышеткисьёс мед яратозы ужез, мед луозы бесклассовой коммунистической общество лэсьтисьёсын.

Сыче дышеткисьёсты воспитать карыны дышетисьёс луыны кулэ честнось, нумозяз преданность Ленинлэн—Сталинлэн ужзылы. Соос дышеткисьёслы возматаны кулэ большевистской пример'ёс, честность. Дышетись дышеткись азын авторитетной луыны кулэ, дисциплинированной соин, что дышеткисьёс дышетисьлэсь пример басьто. Дышетоно озы, чтобы дышеткисьёслэн кема ар'ёс чоже мед улозы воспитаниоссы но впечатлениоссы школа сярысь, дышетскон сярысь. Со луоз великой честен.

**Чермных.**

## Международной Юношеской нуналэз ортчытон сярысь ВЛКСМ райкомлэн планэз

Содержание з	Ку ортчытоно	Ответственной
1. Районной комсомольской активен ортчытоно инструктивной совещание, кудиз Международной Юношеской нунал сярысь колхоз'ёсысь егит'ёсын ортчытозы собранияос.	28 августэ	Иванов
2. Колхоз'ёсын но райцентрын МЮД-лэн 25 годовщинаез сярысь лозунг'ёс но плакат'ёс гожтылоно.	29 августэ	Комсорг'ёс, ВЛКСМ райкомлэн агитация но пропаганда отделэз но Шемякин.
3. 1 сентябре райцентрын ортчытоно художественной но самодеятельной вечер.	1 сентябрез	Лнучина но Касаткина
4. 1 сентябре райцентрын 6 часэ жыт МЮД-лэн 25-ти годовщинаезлы посвятит карыса орчытоно митинг. Митинге отёно райцентрысь матысь школаосысь но колхоз'ёсысь егит'ёсты.	1 сентябрез	ВЛКСМ райкомлэн секретар'ёсыз но комсорг'ёс
5. Ваньмаз ВЛКСМ организациосын МЮД-лэн 25 годовщинаез сярысь орчытоно торжественной заседанияос.	31 августэ	Комсорг'ёс.
6. Митинг ортчем бере 7 часэ жыт орчытоно военно-физкультурной соревнование (футбол, волейбол, бег, граната лезян, ыбылйскон, татын ик оборонной значек'ёслы нормаос принимать карозы).	1 сентябрез	Князев Осави ахим. Перевозчиков физкультурник. Журавлев но Панков.
7. Профорганизацислэн но учреждениослэн руководительёссы 1 сентябрез вань ужасьёссадэ нуо организовано, со понна али ик выделить каро командаен кивалтыны ответственной мурт'ёсты.		Профорг'ёс но учреждениослэн руководительёссы.
8. Школаысь дышеткисьёс но дышетисьёс митинге мыно стройзэс художественно оформить карыса.	1 сентябрез	Юферев но Ардашев.

### Ю октон-калтонлэн, кутсанлэн, етйн вёлдонлэн но тышканлэн мынэмез сярысь 27 августэ 1939 арлы С в о д к а (процентэн вераса)

Сельсовет'ёс	Зерновой ю октон-калтон	Зерновойёсты кутсан	Етйн тышкан	Етйн вёлдон
Тыловой	74,4	25,2	58	52,6
Шудзялуд	71,6	27,4	80	67,4
В. Четкер	87	31	80	60
Ст. Кыч	72,7	29,8	81,2	60
Уйвай	62,5	29,8	55,1	47
Оханцы	69,8	18,8	40	36,3
Суроны	65,2	22,8	53,3	38,4
Зюзино	52,9	30,6	46	30
Бородули	50,6	20	38,3	27,6
Кельдыш	80	22,5	94,4	74,5
Итинск	71,7	19,4	80	49,4
Ваньмыз:	67,2	24,5	62	47,5

### Одйг кустовой учительской совещание сярысь

Зюзинской НСШ виль учебной арез пумитан сярысь вопросэн 11 августэ ортчытыны малпам кустовой методической совещание. Нош та совещание оз луы сыче совещание, кудиз сётыны кулэ сое, ма кулэ. Совещание азе докладчик'ёс дасянтэ. Зюзинской НСШ-лэн директорез „совещание уз луы, докладчик'ёс овёл, лыктэлэ 12

августэ“ шуиз но совещаниеысь участник'ёсты кошкыны косыз. Лыктоно луиз 12 августэ. Татын но совещаниеын дышетисьёс нокыче пайдазэ оз басьтэлэ. Озы совещание ортчиз бумажной. Та возматэ сое, что виль дышетскон арез пумитан понна дышетисьёс ответственность уг нуо, уг дасясько. ИВАНОВ М.



—Ма та? Вывёскаез „Столовая“, а тусэз канцелярия!...  
—Да адзиськоды, столовое ветлисьёс столовойлэн урод ужамез сярысь жалобаос гож'яло!...  
(Прессклише)

## Столовойлэсь ужамзэ эскерыса возматиз

Тыловайысь столовойлэн санитарной состояниез сярысь эскерон орчытэмын вал. Эскерон возматиз сое, что татын санитарной состояниэ туж урод. Сое возматэ та же факт'ёс: Сиськон залаз тияськем косяк'ёс интые марляос ошылэмын, куд'ёсыз оло 2—3 ар чоже миськылымтэсь, събдэсь. Озы ик кухняз но, тияськем косяк интые събд миськылымтэсь марляос ошылэмын. Кухнязы копоть, нёд, умой-умой уг миськыло, чын, вентиляция лэсьтылымтэ. Потолоксы пасесь, кытысь сион'ёс пёлы ской ваське. Посуда миськыны тазэ ву кысьто ке, со вуэз лумбыт уг вош'яло, пож вуын посуда мисько. Со посудае тачак люкаське сиемлэн кылемез нош сое нокин уг малпа воштыны дун пёсь вуэн. Сыче случай вал: одйг муртлы, столовойын обедась муртлы суп пёлаз кут шедем. Со куриз воштыны, нош официанткаос

сопы озы веразы: „Ум вошт тэлэ, сиеды ке сие, уд ке сие асьтэос тодиськоды“. Озы ик со муртлы суп оз но воштэ, берлань дунзэ но оз сётэлэ.

Старшой поварлэн Каракуловалэн тесто нырконназ муш мында кут'ёс лобало. Озы но со умятыны понна нокыче мера уг куты.

Столовойлэн урод ужамез сярысь туж трос вераскерымын вал ни, нош озы но умятон сярысь нокыче ужрад уг куты. Татысь ужасьёсын собранияос, совещаниеос уг орчыт'яло. Трос тырмытэос но безобразиос озы ик тупатытэк кылё. Матысь нуналэ столовойлэсь ужзэ тупатон выльысь обсудит кароно.

Серебренников но Максимов.



Перевозчиков:  
—Пукем, пукем бере колхоззэ-а, мара-а ужаны ветлоно.

### Толэзлы 8 трудовень гинэ ужа

„Красный путь“ колхозысь Перевозчиков Тимофей Димитриевич колхоз производствон азьтэм у ж а. Со толэзлы 8 трудовеньлэсь трос уг ужа. Кытын капчи уж сое утча са улэ. Колхоз сое али ыстылиз вербовать карыса промышленности, отысь но Перевозчиков пегзиз. Перевозчиков капчи ужын липет вужер улын пукыса гинэ улэ.

### Колхозлэн председателысьтыз куштзы

„Красное приуралье“ колхозлэн председателез сисьтематически юыса, калгыса улоназ вань ужез куашкайтэз. „Красное приуралье“ колхоз ю октон-калтонэз дасяськытэк кутскиз. Трудовой дисциплина куашкамын. Соин пар гырон кема кыстыськиз, зерновой культураос умой-умой урылымтэ. Озы ик октон-калтонэн но оз кивалты, оло-

кытй валэн калгыса, пьянствовать карыса улыз. Колхозник'ёс обсудит каризы сыче поведенизэ но вань со уж'ёсыз понна Селиверстов колхозлэн председателысьтыз куштэмын. КАРАКУЛОВ.

Отв. редактор  
Н. П. КУКЛИН.  
Потгись Райисполком